

第四二冊

博物彙編

藝術典

醫部

二四一五
(卷)

古今圖書集成

中華書局影印

Z 225

1

風門八

單方

鍼灸

藝術典第二百四十四卷

風門八

單方

中風口噤不語心煩恍惚手足不隨或腹中痛滿或時絕復甦伏龍肝末五升水八升攪澄清灌之本草下同

中風喝斜癱瘓一切風刺芥煮汁飲之

碧林丹治卒中風不語痰涎潮盛及一身風癱用生銅綠二兩乳細水化去石慢火熬乾取辰日辰時辰位上修合再研入麝香一分糯米粉糊和丸彈子大

陰乾卒中者每丸作二服薄荷酒研下餘風殊砂酒化下吐出青碧涎瀉下惡物大效治小兒用綠雲丹銅絲不計多少研粉酢麪糊丸芡子大每薄荷酒化服一丸須臾吐涎如膠神效蘇方

中風喝斜取生鵲劈開腹及血熱貼喝緩處即正烏雞亦可本草

中風舌強用雄黃荊芥穗等分爲末豆淋酒服二錢衛生寶鑑

中風口噤新石灰一合酢炒調如泥塗之左塗右右塗左立便牽正蘇氏

急中風喝斜不遂取烏鴉全者鹽泥固濟火煨爲末和酒服之本草

風中心氣風熱手足不遂及風癱不任筋脈五緩恍惚煩躁用熊肉二斤切如常法調和作醃脂空肚服之醫方

中風口噤不知人事白木四兩酒三升煮取一升頓服千金

男子諸風四寶丹用金毛狗脊鹽泥固濟煨紅去毛蘇木草薢川烏頭生用等分爲末米酢和丸梧子大每服二十九溫酒鹽湯下甘肅

偏風不遂皮膚不仁宜服仙靈脾酒仙靈脾一斤細剉生絹袋盛於不津器中用無灰酒二斗浸之重封春夏三日夜冬五日後每日暖飲常令醺然不得大醉酒盡再合無不效驗合之切忌雞犬婦人見聖惠

中風口噤通身冷不知人獨活四兩好酒一升煎半升服千金

中風不語獨活一兩酒二升煎一升大豆五合炒有聲以藥酒熱投蓋之良久溫服三合未盡再服小品

熱風癱瘓常舉發者羌活二斤構子一升爲末每酒服方寸匕日三服唐書

喉閉口噤羌活三兩牛蒡子二兩水煎一鍾入白礬少許溫之取效蘇方

中風喝斜口噤用生薑剉碎酒煮之至爛去水入砂盆內用酒煮之至乾研末以酒和服本草

一切偏風口噤用青荊花三斤酒煮之至爛去水入砂盆內用酒煮之至乾研末以酒和服本草

三十九白湯下早暮各一服忌動風物醫方

中風口噤荊芥穗爲末酒服二錢立愈名荊芥散前後用之甚驗

風痰練鵲細剉炒香袋盛浸酒中每日溫飲服之癱瘓走痛用蠟虎一枚炙黃陳皮五分罌粟殼一錢甘草乳香沒藥各二錢半爲末每服三錢水煎服正風疾

風疾急苗陳蒿一斤秫米一石麴三斤和勻如常法釀酒服之聖惠

六十二種風兼服內血氣刺痛用紅花一大兩分爲四分以酒一大升煎鍾半頓服之不止再服本草

一切風疾十年二十年者牛蒡根一升生地黃枸杞子牛膝各三升用袋盛藥浸無灰酒三升內每任意飲之外臺

老人中風口目瞶動煩悶不安牛蒡根切一升去皮曬乾杵爲麪白米四合淘淨和作餅餠或汁中煮加蔥椒五味空心食之極效聖惠

中風舌強不語目睛不轉煩熱烏雞一隻治淨以酒五升煮取二升去渣分作三次連服之食葱薑粥暖臥取小汗正聖

暴搗下篩每服方寸匕酒或漿水下日一夜三若覺吐逆則以蜜丸服準計方寸匕數也風輕者日二服若身體作粟或麻豆出此爲風毒出也可以針刺漬去黃汁乃止七月七月九亦可採用

一切風氣蒼耳嫩葉一石切和麥蘖五升作塊於蒿艾中罾二十日成麴取米一斗炊作飯看冷暖入麴三升釀之封二七日成熟每空心暖服神驗封此酒可兩重布不得令密密則益出忌馬肉猪肉本草中風癱瘓手足不舉用穿山甲左癱用右甲右癱用左甲炮熟大川烏頭炮熟紅海蛤如梧子大者各二兩爲末每用半兩搗葱白汁和成厚餅徑寸半隨左右貼脚心縛定密室安坐以脚浸熱湯盆中待身麻汗出急去藥宜謹避風自然手足可舉半月再行一次除根忌口遠色調養亦治諸風疾衛生

中風宜服齋菴丸於夏五月以來收稀食每去地五寸剪刈以溫水洗去泥土摘葉及枝頭凡九蒸九曬不必太燥但以取足爲度仍熬搗爲末煉蜜丸如梧子大空心溫酒或米飲下二三十九服至二千九所患愈加不得憂慮是藥攻之力服至四千九必得復舊至五千九當復丁壯服後須喫飯三五匙歷之五月五日探者佳

中風諸病麻黃一秤去根以王相日乙卯日取東流水三石三斗以淨鑊盛五七斗先煮五沸掠去沫逐旋添水盡至三五斗濾去麻黃澄定濾去滓取清再熬至一斗再澄再濾取汁再熬至升半爲度密封收之一二年不妨每服一二匙熱湯化下取汁熬時要勤攪勿令著底恐焦了仍忌雞犬陰人見之此劇守

真祕方也宣明手足偏風薊葉火煨厚鋪牀上趁熱眠於上冷復易之冬月取根春碎熬熟用外臺半身不遂失音不語取薊子油一升酒一斗銅鍋盛油著酒中一日煮之令熟細細服之口目喎斜薊麻子仁搗膏左貼右貼左即正又方用薊麻子仁七七粒研作餅右喎安在左手心左喎安在右手心却以銅盂盛熱水坐藥上冷即換五六次即正也婦人良方又方用薊麻子仁七七粒巴豆十九粒麝香五分作餅如上用

中風不省牙關緊急者藜蘆一兩去苗頭濃煎防風湯浴過焙乾切妙微褐色爲末每服半錢小兒減半溫水調灌以吐風涎爲效未吐再服簡要中風不語喉如曳鋸口中涎沫藜蘆一分南星一箇去浮皮於臍上刺一坑納入陳酢二椀斗四面火逼黃色研爲末生麪丸小豆大每三九溫酒下經量中風氣厥痰壅昏不知人六脈沉伏生附子去皮生南星去皮生木香半兩每服四錢薑九片水二盞煎七分溫服之方生

風寒濕痹麻木不仁手足不遂生川烏末每以香白米煮粥一盃入末四錢慢熬得所下薑汁一匙蜜三大匙空腹服之或入薏苡末二錢此湯極驗本草體虛有風外受寒濕身如在空中生附子生天南星各二錢生薑十片水一盞半慢火煎服口眼喎斜生烏頭青礬各等分爲末每用一字嚙入鼻內取涕吐涎立效無比名通關散醫方

口卒噤瘖用附子末吹入喉中金半身不遂遂令瘖瘡用附子一兩以無灰酒一升浸一七日隔日飲一合延年諸風不遂用生草烏頭晚蠶沙等分爲末取生地龍搗和入少酢糊丸梧子大每服四五丸白湯下甚妙勿多服恐麻人集驗又方用草烏頭四兩去皮大豆半升鹽一兩同以砂瓶煮三伏時去豆將烏豆入木臼搗三百杵作餅焙乾爲末酒糊丸梧子大每空心鹽湯下十九名至寶丹經方

一切頑風用生草烏頭生天麻各洗等分搗爛絞汁傾盆中砌一小坑其下燒火將盆放坑上每日用竹片攪一次夜則露之曬至成膏作成小錠子每一錠分作三服用蔥薑自然汁和好酒熱服乾坤一切風證不問頭風痛風黃鴉弔脚風癱瘓生淮烏頭一斤生川烏頭一枚生附子一枚並爲末葱薑各一斤搗如泥和作餅子以草鋪盤內加楮葉於上安餅於葉上又鋪草葉蓋之待出汗黃一日夜乃曬之春爲末以生薑取汁煮麪糊和丸梧子大初服三十九日二服服後身汗出即愈避風

諸風口噤天南星泡剉大人三錢小兒三字生薑五片蘇葉一錢水煎減半入雄猪膽少許溫服方生口眼喎斜天南星生研末自然薑汁調之左貼右右貼左仁存星香散治壯人風痰及中風氣初起用南星四錢木香一錢水二盞生薑十四片煎六分溫服方生角弓反張南星半夏等分爲末薑汁竹瀝灌下一錢

仍食印堂方元

骨軟風疾腰膝疼行步不得遍身癢痒用何首烏大而有花紋者同牛膝各一斤以好酒一升浸七宿暴乾木臼杵末棗肉和九梧子大每一服三五十九空心酒下方輕

大風半身不遂蒸風壞土袋盛熨之瘥即止本草

一切諸風用青風藤出太平荻港上者二三月采之不拘多少入釜內微火熬七日夜成膏磁器收用時先備梳三五把置人虛實以酒服一茶匙畢將患人身上拍一掌其後遍身發痒不可當以梳梳之要痒止飲冷水一口即解風病皆愈避風數日良方集簡
一切風痛風瘡百靈藤五斤剉水三斗煮汁五升熬膏每酒服一匙日三服

三十六風不能治者悉效菖蒲薄切日乾三斤盛以絹袋清酒一斛懸浸之密封一百日視之如菜綠色以一斗熟黍米納之封十四日取出日飲神效
去風丹世傳宋時東京開河掘得石碑梵書大篆一時無能曉者真人林靈素逐字辨譯乃是治中風方名去風丹也詩云天生靈草無根幹不在山間不在岸始因飛絮逐東風汎梗青靄水面神仙一味去沉疴采時須在七月半選甚癱風與大風些小微風却不算豆淋酒化服三九鐵錢頭上也出汗其法以紫色浮萍曬乾爲細末煉蜜和九彈子大每服一粒以豆淋酒化下治左癱右瘓三十六種風偏正頭風口眼喎斜大風癰風一切無名風及脚氣并打撲傷折及胎孕育有傷服過百粒即爲全人此方後人易名紫葢一粒丹

諸風癱瘓筋骨不收用白龍鬚根皮一兩開羊花即老虎花七分好燒酒三斤封固煮一炷香埋土中一夜能飲者三盃不能飲者一盃臥時服服至三五盃見效但知痛者可治昔效
磚牆城垣上苔衣漬酒服之治暴風口噤神效

風氣脚弱用孔公孽二斤石斛五兩以酒二斗浸服方後

龍手藤主偏風口喎手足癱瘓補虛益陽去冷氣風痹以醇酒浸近火令溫空心服之取微汗

風病麻木火麻花四兩草烏一兩炒存性爲末煉蜜調成膏每服三分白湯調下

火麻仁取汁煮粥去五臟風潤肺治關節不通或五
中風口噤鼓二升吳茱萸一升二味以水七升煮取三升漸飲之

賊風口噤角弓反張酒一斗膠二斤煮令烱得六升每服一升稍服得愈

卒中風口喎不正取空青末如豆大一枚口內含之即愈

卒不得語酒五合和人乳汁健半分爲二服即能言矣

卒患偏風口喎語澀取衣中白魚即書書魚也摩耳下喎向左摩右向右摩左即正

暴得風疾四肢攣縮不能行取大豆三升淘淨蒸濕以酢二升傾入瓶中鋪於地上設席豆上令病人臥之仍重蓋五六層衣豆冷漸漸却衣仍令一人於被內引挽舉急處更蒸豆再作并飲荆瀝湯如此三日三夜即休崔氏

大豆炒黑投酒中飲之治風癱瘓口噤
風入臟中以大豆一斗水五斗煮取一斗二升去滓入美酒斗半煎取九升旦服取汗神驗千金
卒風不語大豆黃汁煎稠如飴舍之并飲汁神效方
卒不得語煮鼓汁加入美酒服之

手足不隨鼓三升水九升煮三升分三服
又法鼓一升微熬煮貯漬三升酒中三宿溫服常令微醉爲佳

五加皮酒去一切風濕癱瘓壯筋骨填髓用五加皮洗刮去骨煎汁和麴米釀成飲之或切碎袋盛浸酒煮飲或加當歸牛膝地榆諸藥

女貞皮酒治風虛補腰膝女貞皮切片浸酒煮飲之中風強直不得屈伸用橘樹皮細切一升酒二升浸一宿每日溫服半斤酒盡再作珍

慈以仁酒去風濕強筋骨填髓健脾胃用絕好慈苡仁粉同麴米釀酒或袋盛煮酒飲之

百靈藤酒治諸風百靈藤十斤水一石煎汁三斗入糯米二斗神麴九斤如常釀成三五日更炊糯飯投之即熱澄清日飲以汗出爲效方聖惠

白石英酒治風濕周脾肢節濕痛及腎虛耳聾用白石英磁石煨酢淬七次各五兩絹袋盛浸酒中五六日溫飲酒少更添之

痰癖卒風生薑二兩附子一兩水五升煮取二升分再服忌猪肉冷水

薯蕷酒治諸風眩運益精髓壯脾胃用薯蕷粉同麴米釀酒或同山茱萸五味子人參諸藥浸酒煮飲

蒼朮酒治一切風濕筋骨諸病駐顏色耐寒暑用木

三十斤去皮搗以東流水三石漬三十日取汁露一夜浸麴米釀成飲

三年中風松葉一斤細切以酒一斗煮取三升頻服汗出立瘥

南藤酒治風虛逐冷氣除痹痛強腰脚石南藤煎汁同麴米釀酒飲

中風不省涎潮口噤語言不出手足痺曳得病之日便進此藥可使風退氣和不成廢人柏葉一握去枝

葱白一握連根研如泥無灰酒一升煎一二十沸溫服如不進酒分作四五分服方進他藥

中風口喝青松葉一斤搗汁清酒二升浸二宿近火一宿初服半升漸至一升頭面汗出即止

枳茹酒治中風身直口僻眼急用枳殼刮茹浸酒飲之

諸風毒用牛蒡根切片浸酒飲之

偏風不遂失音不語生吞杏仁七枚不去皮尖日加至七七枚周而復始食後仍飲竹瀝以瘥為度

麻仁酒治骨髓風毒痛不能動者取大麻子中仁炒香袋盛浸酒飲之

蠶沙酒治風緩頑癢諸節不隨腹內宿痛用原蠶沙炒黃袋盛浸酒飲

花蛇酒治諸風頑癢癱瘓急疼痛惡瘡疥癩用白花蛇肉一條袋盛同麴置于缸底糯飯蓋之三七日取酒飲又有藥藥煮酒方亦多

三十六風結瘡馬齒莧一碩水二碩煮取汁入蜜蠟三兩煎成膏塗之

韭搗汁服治肥白人中風失音

卒風口偏不語及角弓反張煩亂欲死及鼓脹不消以雞屎白一升炒焦投酒中待紫色去滓頻飲名紫酒

身上浮風養芋汁浴之慎風半日

卒然中風防風荊芥一兩升麻半兩薑三片水一盞煎半盞以絲瓜子研取漿半盞和勻灌之如手足麻痺以羌活煎湯洗之

中風口噤蘿蔔子牙皂各二錢以水煎服取吐

諸風諸痛用瓜蒂炒黃為末量人以酸薑水一盞調下取吐風癰加蠟梢半錢濕氣腫滿加赤小豆末一錢有蟲加狗油五七點雄黃一錢甚則加羌花半錢立吐蟲出

風涎暴作氣塞倒仆用瓜蒂為末每用一二錢膩粉一錢以水半合調灌良久涎自出不出含沙糖一塊下咽即涎出也

男女諸風產後風尤妙鐵線草根五錢五加皮一兩防風二錢為末以烏雞骨一斤重者水內淹死去毛

腸砍作肉生入藥剉勻下麻油些少炒黃色隨人量入酒煮熟先以排風藤煎濃湯沐浴頭身乃飲酒食雞發出粘汗即愈如不沐浴必發出風丹乃愈

中風口喝面目相引偏僻煩急舌不可轉挂心酒煮取汁故布蘸搗病上正即止左喝搗右右喝搗左常用大效

中風逆冷吐清水宛轉啼呼挂一兩水一升半煎半升冷服

中風失音桂著舌下噤汁

又方桂末三錢水二盞煎一盞服取汗

口目喝斜乳香燒烟熏之以順其血脈

姜律香膏摩一切風

祛風益顏真乳香二斤白蜜三斤瓷器合煎如餒每旦服二匙

中風失音妙槐花三更後仰臥嚼咽

中風身直不得屈伸反覆者取槐皮黃白者切之以酒或水六升煮取二升稍稍服之

夜合枝酒治中風癱瘓用夜合枝柏枝槐枝桑枝石櫟枝各五兩並生剉糯米五升黑豆五升羌活二兩防風五錢紅麴七斤半先以水五斗煎五枝取二斗五升浸米豆蒸熟入麴典防風羌活如常釀酒法封三七日壓汁每飲五合勿過醉致吐常令有酒氣也

中風口噤不開痰涎潮壅大皂角一挺去皮猪脂塗炙黃為末每服一錢湯酒調下氣壯者一錢以吐

出風涎為度

中風口喝皂角五兩去皮為末三年米酢和之左喝塗右右喝塗左乾更上之

一切諸風不問遠近用櫻葉半斤切枝亦可荆芥半升水五升煮二升澄清入白蜜五合竹瀝五合新瓶盛之油紙封入重湯煮一伏時每服一小盞日三服

中風口喝巴豆七枚去皮研左喝塗右手心右喝塗左手心仍以暖水一盞安藥上須臾即正洗去

中風不語穀樹枝葉剉細酒煮沫出隨多少日日飲之

諸風筋骨痠痛及肌皮頑癬手足不遂眉髮疥癬諸疾在皮膚骨節者入溫泉中浴浴訖當大虛憊可逐病與藥及飲食補養非有病人不宜輕入

藥

防風子療風更優調食之

治中風及壅滯旋覆花淨洗搗末煉蜜丸如桐子大夜臥茶湯下五九七九至十九

中風不語喉中如拽鋸聲口中涎沫取藜蘆一分天南星一枚去浮皮却於臍上刺一坑子內入藜蘆陳

酢和麴包裏四面用火逼令黃色同搗再研極細生

麴爲丸如小豆大每服三九溫酒下

巴豆熏法治卒中風口噤不省已豆去殼紙包搥油

去豆以紙作捻條進入鼻內或加皂角末尤良或以

前紙燃燒烟熏鼻內亦可

中風口噤不語以烏龜尿少許點舌下神妙取龜尿

法以龜坐荷葉上用猪鬃鼻內刺之

偏風不遂及癱疾用桃仁二千七百枚去皮尖雙仁

以好酒一斗三升浸二十一日取出曬乾杵細作丸

如梧子大每服二十九以原酒吞之

延年去風令人光潤用桃仁五合去皮用粳米飯漿

同研絞汁合盡溫溫洗面極妙

諸風眩運取乾菊花煮湯飲之或浸酒或釀酒服皆

妙

賊風口偏不能語者茱萸一升薑豉三升清酒五升

和煎五沸待冷服半升一日三服得少汗即瘥

防風分頭身梢治上中下部三十六種風療風最要

到一兩酒水煎服

一切風氣蒼耳子三兩爲末水升半煎取七合溫

服之又水煎如茶服

一百六十種惡風取藥本剉一兩水煎服

癰瘰不遂天麻苗名定風草又名赤箭不爲風所動

剉水煎服

風癰痒癩菜莢一升酒五升煮取一升半溫洗之立

止

一切風癰枝末生葉者剉炒水煎如茶每服一盞入

服則終身不患偏風又可預防風氣霜後煮湯淋深

手足去風癰更勝

中風口噤不語煩悶竹瀝一升飲之連飲佳

風癰恍惚竹瀝二升生葛汁三升薑汁五合相和服

名曰竹瀝湯

中風語澀及風寒濕癰取烏雞肉作羹入薑薑椒鹽

油醬煮熱食之

中風口眼喎斜取鯉魚大者以鍼刺頭上出血左斜

塗右右斜塗左正則洗去鯉放水

中風失瘡不語煩熱取梨汁服一合日一又風疾人

與含消梨不限多少旬日頓爽

風勞毒腫痛或牽引小腹及腰痛桃仁一升去皮

尖熬令黑烟出熱研如脂膏以酒三升攪和服後臥

取汗不過三度

蝮蛇酒治諸風癰癩筋骨痛痺木瘰癧殺蟲辟瘴

及癰風疥癬惡瘡用蝮蛇肉一斤羌活一兩絹袋盛

之用糯米二斗蒸熟安麴於缸底置蛇於麴上乃下

飯密蓋待熟取酒以蛇焙研和藥其酒每隨量溫飲

數杯忌風及怒事亦可袋盛浸酒飲

手足風癰黃蜂窠大者一箇小者三四箇燒灰獨頭

蒜一盞百草霜一錢半同搗傳上一時取下埋在陰

處忌生冷葷腥

一切風疾久服輕身明目黑髮駐顏用南燭樹春夏

取枝葉秋冬取根皮細剉五斤水五斗慢火煎取二

斗去滓淨鍋慢火煎如稀飴瓷瓶盛之每溫酒服一

匙日三服一方入童子小便同煎

中風不語舌根強硬三年陳舊人乳汁各五合相和

研以生布絞汁隨時少少與服良久當語

搜風通滯風氣所攻臟腑積滯用牽牛子以童尿浸

一宿長流水上洗半日生絹袋盛掛風處令乾每日

鹽湯下三十粒極能搜風亦消虛腫

中風喎僻骨疼煩躁者用烏鹽皮燂毛如常治淨蒸

熟入豉汁中和五味煮食

風虛濕痹醒酒二兩溫酒每服一匙效

中風煩熱瘡癰癰四兩每半匙溫酒和服日一

中風口喎取蜘蛛研摩偏癱頰上候正即止

癰癩偏風及諸風手脚不遂腰脚無力者鹽皮膠微

炙熱先煮葱豉粥一升別又以水一升煮香豉二合

去查入膠更煮七沸膠烊如餠服之乃暖哭葱豉

粥如此三四劑即止若不哭窮令人嘔逆

風淫濕痹手足不舉筋節攣攣先與通關散次以全

蠟七箇瓦炒入麝香一字研勻酒三盞空心調服如

骨已透則止未透再服如病未盡除自後專以養膏

根洗淨酒煮日二服

中風癰瘰追魂散用五靈脂研末以水飛去上面黑

濁下面沙石研末每服二錢熱酒調下日一服總服

小續命湯

中風痰壅四肢不收皆慣若醉砒如菜豆太研新汲水調下少頃以熱水投之大吐即愈未吐再服
方手足不遂大風及丹石熱風不遂用消石一兩生烏麻油二斤置鍋中以土壘蓋口紙泥固濟火煎初時氣腥熟則氣香更以生麻油二升合煎得所收不津器中服時坐室中重作小低屋然火於內服一大合發汗力壯者日二服三七日頭面瘡瘡皆滅也然必以火爲使
方

二月九日采葳蕤根切碎一石以水二石煮之從旦至夕以手按爛布囊榨取汁熬稠其查曬爲末同熬至可丸如雞頭于大每服一丸白湯下日三服導氣脈強筋骨治中風濕毒去面皺益顏色久服延年
方

天麻丸消風化痰清利頭目寬胃利膈治心忪煩悶頭運欲倒項急肩背拘倦神昏多睡肢節煩痛皮膚瘙癢偏正頭痛鼻軀面目虛浮並宜服之天麻半兩芎藭二兩爲末煉蜜丸如芩子大每食後嚼一九茶酒任下
方

中風偏痺半身不遂者用麻黃以湯熬成糊攤紙上貼不病一邊上下令遍但除七孔其病處不糊以竹蠶焙爲末三錢老人加麝香一錢研勻熱酒調服就臥須臾藥行如風聲口吐出惡水身出臭汗如膠乃急去糊紙別溫麻黃湯浴之暖臥將息淡食十日手足如故也
方

口眼喎斜活鮎魚切尾尖朝吻貼之即正
方一切風痰白爛蠶七箇直者細研薑汁調灌之
方白龍鬚治男子婦人風濕腰腿疼痛左癱右瘓口目

喎斜及產後氣血流散脛骨痛頭目昏暗腰腿痛不可忍並宜之性虛勢癱瘓不可服研末每服一錢氣弱者七分無灰酒下密室隨左右貼臥待汗出自乾勿多蓋被三日勿下牀見風一方得疾淺者用末三錢瓷瓶煮酒一壺每日先服桔梗湯少頃飲酒二畫早一服晚一服
方

槐膠治一切風化凝肝臟風筋脈抽掣及急風口噤或四肢不收頑癬或毒風周身如蟲行或破傷風口眼偏斜腰背強硬任作湯散九煎雜諸藥用之亦可水養和藥爲丸
方

男女中風口噤不語並宜細研乳頭香末方寸匕以酒煎蘇方木調服立吐惡物瘥
方胡麻炒食不生風病風人久食則步履端正語言不蹇
方

威靈仙治風通十二經脈此藥朝服暮效疏通五臟六腑令出宿水微利不瀉人服四肢輕健手足溫煖專治男婦中風手足不遂口眼喎斜骨節風胎風暗頭風白癰風心風大風風皮風搔痒手足頑癢言語蹇澀行立不得風疥癬毒濕熱浸淫面黃氣急腹脹腰重陰腫腎冷婦人月水不來動經多日內服威靈仙外用煎湯頻洗無不愈用威靈仙一味洗焙爲細末用好酒和令微濕入在竹筒內塞口九蒸九曬如乾漆以煉蜜和丸梧桐子大每服二十九酒送下

鍼灸

靈樞經曰偏枯身偏不用而痛言不變志不亂病在分腠之間巨鍼取之益其不足損其有餘乃可復也痺之爲病也身無痛者四肢不收智亂不甚其言微知可治甚則不能言不可治也病先起於陽後入於陰者先取其陽後取其陰浮而取之

中藏經曰風中有五者謂心肝脾肺腎也心風宜於心俞灸之肝風宜於肝俞灸之脾風宜於脾俞灸之腎風宜於腎俞灸之肺風宜於肺俞灸之

甲乙經曰口僻顙頰及斷支下關主之面目惡風寒顙腫腰痛招搖視瞻癢瘕口僻巨邪主之

口不能水漿喎僻水溝主之口僻外關主之惡瘕口沫出上關主之偏枯四肢不用善驚大巨主之大風逆氣多寒善悲大橫主之頭身風善嘔寒中少氣掌中熱肘急腋腫間使主之

足下緩失履衝陽主之口噤不可開支溝主之痺痿臂腕不用臂肘不收合谷主之大風默默不知所痛嗜臥善驚癰天井主之

偏枯臂腕發痛肘屈不得伸手足風頭痛涕出肩臂頸痛項急煩滿驚五指掣不可屈伸戰慄脫骨主之風眩驚手腕痛泄風汗出至腰陽谷主之風入腹中伏臍急痛脅痛滿腫不止五指端盡痛

足不任地湧泉主之

偏枯不能行大風默默不知所痛視如見星溺黃小腹熱咽乾照海主之湧在陰蹻右少陰俞先刺陰蹻後刺少陰在橫骨中

風逆四肢腫復溜主之

風從頭至足面目赤口痛舌解絡主之

大風目外皆痛身熱非缺盆中痛臨泣主之

善自嚙頰偏枯腰背痛善搖頭京骨主之

大風頭多汗腰尻腹痛臨泣上齒痛脊背尻重不

欲起喜食臭惡聞人音泄風從頭至足崑崙主之

千金方曰經骨主風勞身重

天府曲池列缺百會主惡風邪氣泣血喜忘

陽谷主風眩驚手捲泄風汗出腰項急

陰蹻主風暴不知人偏枯不能行

崑崙主狂易大風

臨泣主大風痛

通運主不能言

肝風占候其口不能言當灸鼻下人中次灸大椎次

灸肝膽第九椎下是五十壯餘處隨年壯灸之得明

灸二三百壯良

心風寒灸心膺各五十壯第五節兩邊各一寸半是

脾風占候聲不出或上下手當灸十指頭次灸人

中次灸大椎次灸兩耳門前脈去耳門上下行一寸

是次灸兩大指節上下各七壯

脾風灸脾膺夾脊兩邊各五十壯凡人脾膺無定所

隨四季月應病即灸臟膺是脾穴此法甚妙

又方灸百會次灸本神次灸承漿次灸風府次灸肩

髃次灸心膺次灸手五里次灸手體孔次灸手少陽

次灸足五里次灸足體孔次灸足陽明各五百壯

風非不能語手足不遂度病者手小指內岐間至指

端為度以置臍上直望心下以丹注度上端畢又作

兩度續所注上合其下間開其上取其本度橫置其

開上令三合其狀如倒作某字形男度左手女度右

手嫌不分了故上丹注三處同時起火灸之各一百

壯愈

卒中風口噤不得開灸機關二穴穴在耳下八分少

近前灸五壯即得語又灸隨年壯僻者逐僻左右灸

之中風失瘡不能言語緩縱不隨先灸天憲五十壯

息火仍移灸百會五十壯畢還灸天憲五十壯者始

發先灸百會則風氣不得洩內攻五臟喜閉伏乃失

音也所以先灸天憲次百會佳一灸五十壯悉洩火

勢復灸之視病輕重者一處三百壯大效凡中風

服藥益劇者但是風穴悉皆灸之三壯無不愈也神

良決定勿疑惑也不至心者勿盡灸

又方以華竹筒長五寸以頭刺耳孔中四畔以麝

密塞之勿令泄氣一頭內大豆一顆并艾燒令然灸

七壯即瘳患右灸左患左灸右千金不傳耳病亦可

灸之

又方灸手交脈三壯左灸右右灸左其注如鼠尾形

橫安之兩頭下火

風寒之氣客於中滯而不能發故瘡不能言及喉痹

失聲皆風邪所為也入臟皆能殺人故附之於治風

方之末凡尸厥而死脈動如此故陽脈下墜陰脈上

爭氣閉故也針百會入三分補之熨斗熨兩脅下又

窈突墨彈丸大漿水和服之又針足中趾頭去甲如

韭葉又刺足大趾甲下內側去甲三分

眼瞶動口唇偏喎皆風入脈急與大續命湯附子散

摩神明膏丹參膏依穴灸之喉痹舌緩亦然入臟使

人瘡瘻卒死口眼相引牙車急舌不轉喎僻與伏龍

肝散和雞血及龍血塗乾乾復塗并灸吻邊橫文赤白

際逐左右隨年壯報之至三報三日不瘳更報之

儒門事親曰卒暴中風目之斜灸以承泣口之喎灸

以地倉俱效但不效者當灸人迎夫氣虛風入而為

偏上不得出下不得泄與氣為風邪所陷故灸灸

丹溪心法曰卒暴中風灸風池百會曲池合谷風市

絕骨環跳肩髃三里等穴皆灸之以擊鼓疏風

衛生寶鑑曰大接經從陽引陰治中風偏枯

足太陽膀胱之脈出於至陰小指外側去爪甲如韭

葉為井金十呼

足少陰腎之脈起於小指之下斜趨足心三呼

手厥陰心包之脈其直者循中指中衝出爪甲如韭

葉陷中為井其支者別掌中小指次指出其端

手少陽三焦之脈起小指次指之端去爪甲如韭葉

為井三呼

足少陽膽之脈起足竅陰小指次指之端去爪甲如

韭葉為井其支者上入大指岐骨內出其端還貫爪

甲出三毛中三呼十三呼

足厥陰肝之脈起足大敦大指入叢毛之際去爪甲

如韭葉及三毛為井十呼六呼

手太陰肺之脈起大指之端出於少商大指內側去

爪甲如韭葉為井其支者出次指內廉出其端

手陽明大腸之脈起大指次指之端入次指內側去爪甲如韭葉爲井一呼中指內交三呼

足陽明胃之脈起足大指次指之端去爪甲如韭葉爲井其支者入大指出其端一呼

足太陰脾之脈起足大指端循指內側去爪甲角如韭葉爲井隱白是也十呼

手少陰心之脈起於小指內出其端循指內廉去爪甲角如韭葉爲井

手太陽小腸之脈起手小指之端去爪甲下一分陷中爲井

大接經從陰引陽治中風偏枯

手太陰肺之脈起手大指端出於少商大指內側去爪甲角如韭葉爲井一呼三呼

手陽明大腸之脈起手大指次指之端去爪甲如韭葉爲井其支者入大指間出其端

足陽明胃之脈起足大指次指之端去爪甲如韭葉爲井其支者入大指間出其端

足太陰脾之脈起足大指端循指內側去爪甲如韭葉爲井隱白也

手少陰心之脈起手小指內出其端循指內廉去爪甲如韭葉爲井

手太陽小腸之脈起手小指之端去爪甲下一分陷中爲井

足太陽膀胱之脈起足小指外側至陰去爪甲如韭葉爲井金

足少陰腎之脈起足小指之下斜趨足心爲井湧泉穴也

手厥陰心包之脈其直者循手中指出其端去爪甲如韭葉爲井中衝穴也其支者循掌中循小指次指出其端

手少陽三焦之脈起手小指次指之端去爪甲如韭葉爲井

足少陽膽之脈起於竅陰小指次指之端去爪甲如韭葉爲井其支者上入大指岐骨內出其端還貫爪甲出三毛中

足厥陰肝之脈起足大指之端入叢毛之際去爪甲如韭葉爲井大敦是也六呼

手太陰列缺偏風半身不遂

手陽明肩髃曲池偏風半身不遂

足陽明大巨偏枯四肢不舉

衝陽偏風口眼喎斜足緩不收

手太陽腕骨偏枯狂悖

足太陽輔陽風癱不仁四肢不舉

足少陰照海大風偏枯半身不遂善悲不樂

足少陽陽陵泉半身不遂

環跳風眩偏風半身不遂失音不語
手陽明天鼎暴瘡并喉痹
合谷瘡不能言
足陽明頰車地倉不語飲食不收水漿漏落左治右右治左
手少陰陰郄瘡不能言
靈道暴瘡不語
手少陽支溝暴瘡不語
三陽絡暴瘡不能言

手太陽天窓暴瘡不能言

足少陰通谷暴瘡不語

手厥陰間使瘡不能言

黃帝灸法療中風眼戴上下不能視者灸第二椎并第五椎上各七壯一齊下火炷如半棗核大立愈

醫學綱目曰中風不語不省人事項門灸七壯百會針入豆許先補後瀉瀉多補少

又撮要法中衝一分補之大敦灸一分百會一分瀉怪穴又法十指尖出血此更詳之

中風失音瘡門二分留三呼瀉之不可深人中三分留三吸瀉之天突湧泉各五分神門支溝各三分

舌轉不語瘡門二分

舌緩不語風府三分

卒中失音不能言語緩縱不隨天意刺之一分灸五十壯息火仍發灸百會五十壯畢復灸天意五十壯始發若先灸百會則風氣不得洩內攻五臟喜閉伏

仍失音所以先灸天意

口眼喎斜地倉鍼入二分沿皮斜向頰車一寸半留十吸瀉之頰車二分斜向地倉以上二穴囑右補瀉左囑左補瀉右

崇寧中凡兩中風始則口眼喎斜次則涎潮閉塞左右共灸十二穴得氣通十二穴者謂聽會頰車地倉百會肩髃曲池風市足三里絕骨髮際大椎風池也依而用之無不效
本草綱目曰中風口噤熱艾灸承漿一穴頰車二穴各五壯
中風掣痛不仁不隨並以乾艾斛許揉團納瓦甌中

並下塞諸孔獨留一目以痛處著眦目而燒艾熏之一時即止矣

中風喝斜用苦葉絞汁和大麥麩作餅炙熱熨之正便止勿令太過

古今醫統曰治中風口眼喝斜聽會二穴在耳前陷中動脈宛宛中張口得之頰車二穴在耳下二韭葉陷中地倉一穴在口吻旁四分外近下有脈微微動者是上三穴左患灸右右患灸左

灸中風中腑手足不隨等疾百會一穴在頂中央肩髃二穴在兩肩端兩骨間陷處宛宛中舉臂得之曲池二穴在肘外橫紋頭屈肘曲骨取之是風市二穴在膝外兩筋間平立舒兩手著胫中指到處是足三里二穴在膝下三寸脛骨外大筋內筋骨之間是絕骨二穴在足外踝上三寸動脈中凡覺手足麻木不仁或痛良久乃止此將中腑之候也不論是風與氣可速灸此六穴在左灸右在右灸左

灸風中臟氣寒凝上不語昏危下火立效百會一穴如前風池二穴在項後髮際陷中大椎一穴在項後一椎上項中肩井二穴在缺盆上大臂前寸半以三指按之當其中指是間使二穴在掌後三寸兩筋間陷中足三里二穴如前曲池二穴如前凡覺手足麻痺心中昏亂神思不快此將中腑之候不論是風與氣可速灸此七穴依次第灸之立愈

景岳全書曰凡非風用灸法必其元陽暴脫及營衛血氣不調欲收速效惟艾火為良然用火之法惟陽虛多寒經絡凝滯者為宜若火盛金衰水虛多燥脈數發熱咽乾面赤口渴便熱等證則不可妄加艾火

若誤用之必致血愈燥而熱愈甚甚反速其危矣一凡灸法頭面上艾炷宜小不宜大手足上乃可粗也又須自上而下不可先灸下後灸上

灸非風卒厥危急等證神闕用淨鹽炒乾納於臍中令滿上加厚薑一片蓋定灸百壯至五百壯愈多愈妙薑焦則易之或以川椒代鹽或用椒於下上蓋以鹽再蓋以薑灸之亦佳

丹田氣海二穴俱連命門實生氣之海經脈之本灸之皆有大效

灸非風連臟氣寒凝上不語昏危不語等證百會風池大椎肩井曲池間使足三里

灸口眼歪斜聽會客主人俱灸眼頰車地倉承漿俱灸口合谷

灸手足不遂偏枯等證百會肩髃曲池風市環跳足三里絕骨

即懸鐘

欽定古今圖書集成博物彙編藝術典

第二百四十五卷目錄

醫部彙考二百二十五

風門九

導引

醫案

藝術典第二百四十五卷

醫部彙考二百二十五

風門九

導引

保生祕要曰中風因腠理不密風邪乘虛而入始於中風或起四肢麻木或不覺疼或時疼者皆因受風濕之過耳其有口眼歪邪風中經絡左身不遂血死為癱右身不遂濕痰氣弱為瘓而左右癱瘓為氣血兩虛也口喎語謇皆因血虛火盛而心氣不調宜當養心運動

如患左手以右手指右回頭目左而視左患亦如之各運氣二十四口如患左足坐平凳子上以左足踏右膝上左手托腳跟右手扳腳尖轉頭向左患右亦如之用力扳之能除風寒暑濕遠年近日癱瘓之證無不應驗

運功三提三咽返念歸元氣積一九輪旋周天左邊氣不通於右手行功著意引在左手右亦如之各運五口專氣須百日候到氣脈全

偏風導引左偏於左內開穴指之九九擦之九九亦指五指尖右亦如之

運功取效全用周天通關法

周天法先立安土守中得訣純熟後行周天流通一身散微四肢滯氣其法從前運於臍輪由小而大大而收小依次而上至璇璣穴向左臂打圈而下至曲池經內關過掌心及指尖圈出手臂外關而上肘後肩井及大椎而下運於尾闕由下復上過玉枕逾崑崙泥丸面部上顴橋而降重樓達胃口過臍至玉柱復氣海行入右腿歷膝關由鞋旁穴穿足背至指尖轉湧泉踵後上運過陰谷通尾闕又圈至頂門如前下顴橋依次送左腿似右法而落湧泉又升泥丸及璇璣穴右行照左手轉過肩背貫崑崙而下攝元海如此將周身經脈宜暢徐徐迴轉但意至而氣自相隨是為有作之周天法亦可與造化參

通關法從北極定樞斗柄大旋三徧天地包羅行於臍下分開兩路旋下兩腿之前聯絡不絕雙行轉腳底向後繞元海上至命門會合從右轉左大旋三徧從椎骨下分行兩肩經肘後外關達掌心循內關過肩井由項後透泥丸行明堂漸落雙瞳自面部下臂關會心窩從左轉下降大旋三徧如前臍下分開循環徧體周流運用卯酉二辰行之或九度或二十一度而止慎勿執著若有若無此所謂煉其形和其氣也

中風病先飲熱茶或熱湯項要直舌捲托之上齶兩手作拳狀兩足指亦縮緊自然汗發而病愈

中風口歪右就右腎下肋頭拔過左左拔上至口又

從口處拔回至左腎左同

醫案

史記扁鵲傳曰扁鵲過魏號號太子死扁鵲至就宮門下問中庶子喜方者曰太子何病國中治穰過於衆事中庶子曰太子病血氣不時交錯而不得泄暴發於外則為中害精神不能止邪氣邪氣積畜而不得泄是以陽緩而陰急故暴斃而死扁鵲曰其死何如時曰難鳴至今日收乎曰未也其死未能半日也言臣齊渤海秦越人也家在於鄭未嘗得望精光侍謁於前也聞太子不幸而死臣能生之中庶子曰先生得無誕之乎何以言太子可生也臣聞上古之時醫有俞跗治病不以湯液醴醢鑿石鑿引案杭毒熨一撥見病之應因五藏之輸乃剝皮解肌訣脈結筋癈髓腦揲荒爪幕漸洗腸胃漱滌五藏練精易形先生之方能若是則太子可生也不能若是而欲生之會不可以告咳嬰之兒終日扁鵲仰天嘆曰夫子之為方也若以管窺天以鄰視文越人之為方也不待切脈望色聽聲寫形言病之所在聞病之陽論得其陰聞病之陰論得其陽病應見於大表不出千里決者

至衆不可曲止也子以吾言爲不誠試入診太子當聞其耳鳴而鼻張循其兩股以至於陰當尚溫也中庶子聞扁鵲言目眩然而不顧舌搖然而不下乃以扁鵲言入報魏君魏君聞之大驚出見扁鵲於中閤曰竊聞高義之日久矣然未嘗得拜謁於前也先生過小國幸而舉之偏國寡臣幸甚有先生則活無先生則棄捐填溝壑長終而不得反言未卒因噓唏服臈魂精泄橫流涕長滑忽忽承朕悲不能自止容親變更扁鵲曰若太子病所謂尸蹙者也夫以陽入陰中動胃經絡中經維絡別下於三焦膀胱是以陽脈下遂陰脈上爭會氣閉而不通陰上而陽內行下內鼓而不起上外絕而不爲使上有絕陽之絡下有破陰之紐破陰絕陽之色已廢脈亂故形靜如死狀太子未死也夫以陽入陰支蘭藏者生以陰入陽支蘭藏者死凡此數事皆五臟厥中之時暴作也良工取之拙者疑殆扁鵲乃使弟子子陽厲鍼砥石以取外三陽五會有關太子瘳乃使子豹爲五分之熨以八減之齊和養之以更熨兩脅下太子起坐更適陰陽但服湯二旬而復故故天下盡以扁鵲爲能生死人扁鵲曰越人非能生死人也此自當生者越人能使之起耳

倉公傳曰陽虛侯相趙章病召臣意衆醫皆以爲寒中臣意診其脈曰過_{音過}風_{音風}過風者飲食下噎而輒出不留法曰五日死而後十日乃死病得之酒所以知趙章之病者臣意切其脈脈來滑是內風氣也飲食下噎而輒出不留者法五日死皆爲前分界法後十日乃死所以過期者其人嗜粥故中藏實中

藏實故過期師言曰安穀者過期不安穀者不及期濟北王病召臣意診其脈曰風覺胃滿即爲藥酒盡三石病已得之汗出伏地所以知濟北王病者臣意切其脈時風氣也心脈濁病法過入其陽陽氣盡而陰氣入陰氣入張則寒氣上而熱氣下故胃滿汗出伏地者切其脈氣陰陰氣者病必入中出及澆水也齊淳于司馬病臣意切其脈告曰當病過風過風之狀飲食下噎輒後之病得之飽食而疾走淳于司馬曰我之王家食馬肝食飽甚見酒來即走去驅疾至舍即泄數十出臣意告曰爲火齊米汁飲之七八日而當愈時醫秦信在旁臣意去信謂左右問都尉曰意以淳于司馬病爲何曰以爲過風可治信即笑曰是不知也淳于司馬病法當後九日死即後九日不死其家復召臣意臣意在問之盡如意診臣即爲三火齊米汁使服之七八日病已所以知之者診其脈時切之盡如法其病順故不死

臣意嘗診安陽武都里成開方自言以爲不病臣意謂之病苦否風三歲四支不能自用使人瘡瘡即死今聞其四支不能用瘡而未死也病得之數飲酒以見大風氣所以知成開方病者診之其脈法奇咳言曰藏氣相反者死切之得腎反肺法曰三歲死也

千金方曰仁壽宮通身患風脚不能行奉敕治之鍼環跳一穴陽陵泉一穴巨虛下廉一穴陽輔一穴凡鍼四穴即能起行大理趙卿患風腰脚不隨不能跪起鍼上窮一穴環跳一穴陽陵泉一穴巨虛下廉一穴凡鍼四穴即能

麗起

厚秋欽患偏風不得挽弓鍼肩髃一穴即得挽弓儒門事親曰桑惠民病風面黑色異風不敢出爬搔不已眉毛脫落作癩醫三年一日載人到棠谿求治於載人載人曰非癩也乃出素問風論曰腎風之狀多汗惡風脊痛不能正立其色始面黃然浮腫今公之病腎風也宜先刺其面大出血其血當如墨色三刺血變色矣於是下鍼自額上下鉞鍼直至顙項皆出血果如墨色偏腫處皆鍼之惟不鍼目銳眦外兩旁蓋少陽經此少血多氣也隔日又鍼之血色乃紫二日外又刺其血色變赤初鍼時再刺則額覺痛三刺其痛不可任蓋邪退而然也待二十餘日又輕刺一遍方已每刺必以冰水洗其面血十日黑色退一月面稍赤三月乃紅白但不服除根下熱之藥病再作載人在東方無能治者

高評事中風稍緩張令涌之後服鐵彈丸在普濟加減方中或問張曰君常笑人中風服鐵彈丸今亦用之何也張曰此收後之藥也今人用之於大勢方來之時正尤蛇蟻撼大樹不識次第故也

新嘉馬夏年五十九因秋欠稅官杖六十得驚氣成風搖已三年矣病大發則手足顫掉不能持物食則令人代哺口目張眩唇舌嚙爛抖擻之狀如線引傀儡每發市人皆聚觀夜臥發熱衣被盡去遍身燥痒中熱而反外寒久欲自盡手不能繩傾產求醫至破其家而病益堅夏之子邑中舊小吏也以父母病訊載人載人曰此病甚易治若隆暑時不過一涌再涌奪則愈矣今已秋寒可三之如未愈更刺臉穴必愈

先以通聖散汗之繼服涌劑則吐痰一二升至晚又下五七行其疾小愈待五日再一涌出痰三四升如難黃成塊狀如湯熱更以手顫不能自探妻與代探咽嚥腫傳昏憤如醉約一二時許稍稍省又下數行立覺勢輕頓減熱亦不作足亦能步手能巾櫛自持匙筋未至三涌病去如濯病後但覺極寒戴人曰當以食補之入則自退蓋大疾去衛氣未復故宜以散風導氣之藥切勿以熱劑溫之恐反成他病也

呂君用表年三十餘病風搐目眩角弓反張數日不食諸醫皆作驚風暗風風劑治之以南星雄黃天麻烏附用之殊無少效戴人曰諸風掉眩皆屬肝木曲直動搖風之用也陽主動陰主靜由火盛制金金衰不能平木肝木茂而自病先涌風痰二三升次以寒劑下十餘行以又鉗刺百會穴出血二杯愈

一納于因陰雨臥濕地一年手足皆不遂若遇陰雨其病轉加諸醫皆作中風偏枯治之用當歸芍藥乳香沒藥自然銅之類久服反加大便溫風燥生經歲不已戴人以舟車丸下三十餘行去青黃沫水五升次以淡劑滲泄之數日手足能舉戴人曰此風寒濕三氣合而為痺水濕得寒而浮蓄於皮膚之間久而不去內含六腑宜用去水之藥可也水濕者人身中之寒物也寒去則血行血行則氣和氣和則愈矣

丹溪心法曰一婦人手足左癱口不能語健啖以防風荆芥羌活南星沒藥乳香木通茯苓厚朴桔梗麻黃甘草全蠍為末湯酒調下不效時春脈伏漸以淡鹽湯薑汁每早一椀吐五日仍以白木陳皮茯苓甘草厚朴薑蒲日二貼後以川芎山梔豆豉瓜蒂萊菔豆

粉薑汁鹽湯吐之吐甚快不食後以四君子湯服之以當歸酒茶紅花水通黏于蒼木薑南星牛膝茯苓為末酒糊丸服而瘳

一人體肥中風先吐後用化痰勝濕之藥而愈衛生寶鑑曰真定府臨濟寺趙僧判於至元庚辰八月間患中風半身不遂精神昏憤面紅頰赤耳聾鼻塞語言不出診其兩手六脈弦數書記潔古有云中臟者多滯九竅中腑者多著四肢今語言不出耳聾鼻塞精神昏憤是中臟也半身不遂是中腑也此臟腑俱受病邪先以三化湯一兩內疏三兩行散其壅滯使清氣上升充實四肢次與至寶丹加龍骨南星安心定志養神治之使各臟之氣上升通利九竅五日音聲出語言稍利後隨四時脈證加減用藥即稍能行步日以繩絡其病脚如履圓或高處得人扶之方可踰也又刺十二經之井穴以接經絡翌日不用繩絡能行步幾百日大勢已去戒之慎言語節飲食一年方愈

太尉忠武史公年六十八歲於至元戊辰十月初侍國師於聖安寺丈室中煤炭火一爐在左側邊遂覺面熱左頰微有汗師及左右諸人皆出因左頰疎緩被風寒客之右頰急口喎於右脈得浮緊按之洪緩子舉醫學提舉忽君吉甫專科鍼灸先生於左頰上灸地倉穴一七壯次灸頰車穴二七壯復於右頰上熱手熨之議以升麻湯加防風秦艽白芷桂枝發散風寒數日而愈或曰世醫多以續命湯等藥治之今君用升麻湯加四味其理安在對曰足陽明經起於鼻交頰中循鼻外入上齒中手陽明經亦貫於下齒

中况兩頰皆屬陽明升麻湯乃陽明經藥香白芷又行手陽明之經秦艽治口噤防風散風邪桂枝黃表而固榮衛使邪不能再傷此其理也夫病有標本經絡之別藥有氣味厚薄之殊察病之源用藥之宜其效如桴鼓之應不明經絡所過不知藥性所主徒執一方不惟無益而又害之者多矣學者宜精思之

順德府張安撫字耘夫年六十一歲於己未閏十一月初患風證半身不遂語言蹇澀心神昏憤煩躁自汗表虛惡風如洒水雪口不知味鼻不聞香臭聞木音則驚怖小便頻多大便結燥若用大黃之類下之却便飲食減少不敢用不然則滿悶最苦者晝夜不得瞑目而寐約有三月餘凡三易醫病全不減至庚申年三月初七日又因風邪加之痰嗽喉乾燥疼痛不利唾多中脘氣痞似噎予思內經有云風寒傷形憂恐忿怒傷氣氣傷臟乃病厥病形乃應又云人之氣以天地之疾風名之此風氣下陷入陰中不能生發上行則為病矣又云形樂志苦病生於厥神先病也邪風加之邪入於經動無常處前證互見治病必求其本邪氣乃服論時月則宜升陽補脾胃瀉風木論病則宜實表裏養胃氣瀉肝木潤燥益元氣慎喜怒是治其本也宜以加減沖和湯治之自汗加黃芪半錢嗽加五味子二十粒晝夜不得睡乃因心事煩擾心火內動上乘陽分衛氣不得交入陰分故使然也以硃砂安神丸服之由是晝亦得睡十日後安撫曰不得睡三月有餘今困睡不已莫非他病生否予曰不然衛氣者晝則行陽二十五度夜則行陰亦二十五度此衛氣交入陰分循其天度故安撫得睡也

中况兩頰皆屬陽明升麻湯乃陽明經藥香白芷又行手陽明之經秦艽治口噤防風散風邪桂枝黃表而固榮衛使邪不能再傷此其理也夫病有標本經絡之別藥有氣味厚薄之殊察病之源用藥之宜其效如桴鼓之應不明經絡所過不知藥性所主徒執一方不惟無益而又害之者多矣學者宜精思之

何病之有焉止眼白睛紅隱隱難開宜以當歸連翹湯洗之十三日後至日晡微有悶亂不安於前沖和湯中又加柴胡三分以升少陽之氣飲三服至十五日全得安臥減自汗惡寒躁熱胃弱痞滿小便多服藥之後小便減少大便一二日一行鼻聞香口知味飲食如常脈微弦而柔和按之微有力止咽喉中妨聞會服後腫舌赤早辰語言快利午後微瀉以元參升麻湯煎去查稍熱噉漱時時嚔之前證良愈止牙齒無力不能嚼物用生牙散入麝香少許研勻臨臥擦牙後以溫水漱之愈

安撫初病時右肩臂膊痛無主持不能舉動多汗出肌肉瘦不能正臥臥則痛甚經曰汗出偏沮使人偏枯予思內經云虛與實鄰決而通之又云留瘦不移節而刺之使經絡通和血氣乃復又言陷下者灸之為陽氣下陷入陰中肩膊時痛不能運動以火導之火引而上補之溫之已上證皆宜灸刺謂此先刺十二經之井穴於四月十二日右肩臂上肩井穴內先鍼後灸二七壯及至瘡發漸於枯瘦處漸添肌肉汗出少肩臂微有力至五月初八日再灸肩井穴於尺澤穴各灸二十八壯引氣下行與正氣相接次日肩膊又添氣力自能搖動矣時值仲夏暑熱漸盛以清肺飲子補肺氣養脾胃定心氣

醫學綱目曰唐王太后中風不能言脈沉而口噤醫人許引宗曰既不能下藥宜湯氣熏之藥入腠理周時可瘳乃煎黃芪防風湯數斛置牀下氣如烟霧熏之其父便得語藥力熏蒸其效如此按丹溪云人之口通乎地鼻通乎天口以養陰鼻以養陽天主清故

鼻不受有形而受無形地主濁故口受有形而兼乎無形王太后病風不言而脈沉其急非大補不可也若以有形之藥湯緩不及事今以黃芪防風煎湯熏之氣如烟霧滿室則口鼻俱受非智者通神之法不可為也

一婦人年六十左癱手足不語多痰以防風荆芥羌活南星沒藥乳香木通茯苓厚朴桔梗甘草麻黃全蠍紅花為末酒調下不拘時吞服漸伏以淡鹽湯盡汁每早一梳吐五日仍以白朮甘草陳皮厚朴菖蒲一日二貼後以川芎山梔豆豉瓜蒂萊菔粉蠶湯吐了用蒼朮南星生薑牛膝茯苓酒糊丸服十日後夜間微汗手足動而能言

醫學正傳曰予長嫂何氏年五十七身肥白春初得中風暴仆不省人事身僵直口噤不語喉如拽鋸木飲不能入六脈浮大弦滑右甚於左以藜蘆末一錢加麝香少許灌入鼻竅吐痰一升許始知人事身體略能舉動急煎小續命湯倍麻黃連進二服覆以衣被得汗漸甦省能轉側但右手足不遂語言蹇澀後以二陳湯加芎歸芍藥防風羌活等藥合竹瀝薑汁日進二三服若四日大便不去則不能言語即以東垣導滯丸或潤腸丸微利之則語言復正如此調理至六十四歲得他病而卒

醫宗必讀曰微商汪華泉忽然昏仆遺尿手撒汗出如珠衆皆以絕證既見決無生理余曰手撒脾經遺尿腎絕法在不治惟大進參附或冀萬一遂以人參三兩熟附五錢煎濃灌下至晚而汗減復煎人參二兩芪朮附各五錢是夜服盡身體稍稍能動再以參

附膏加生薑竹瀝薑汁連進三日神氣漸甦嗣後以理中補中等湯調養二百日安

延平太守唐東瀛多鬱多思又為府事勞神昏冒痰壅口喎語澀四肢不隨時欲悲泣脈大而軟此脾肺氣虛風在經絡余以補中益氣去黃芪加秦艽防風天麻半夏十劑證減二三更加竹瀝薑汁倍用人參象與八味丸兩月乃愈

吳門太史姚現聞中風昏憤語言不出面赤時笑是心臟中風也乙亥孟秋延余診之六部皆得石脈余歸謂唐名必曰石者冬令之脈也新秋見之非其時矣其象先見於非時當其時豈能再見耶果至冬月而歿

錢台石年近六旬昏倦不能言鼻塞二便閉此心脾二臟中風也服順氣疏風化痰之劑已瀕於危矣比余診之六脈洪大按之搏指乃至虛反有盛候也宜補中為主佐以祛風化痰方可回生舉家惶懼兩日不決余瞋目而呼曰今日無藥則斃矣若服參而病進余一人獨任其咎乃以大劑補中益氣加秦艽釣藤防風竹瀝再劑而神爽加減調治五十日始愈燕邸張可真遠歸忽於中風昏昧牙關緊閉遂先以牙皂末取嚏次以筋拔開灌蘇合丸二九後以防風散投之連進三服出汗如洗此邪自外解也去麻黃獨活羚羊角加秦艽半夏膽星釣藤薑汁十劑痰清神爽服六君子加竹瀝薑汁釣藤六十日而痊

薛已醫按曰車驚王用之卒中昏憤口眼喎斜痰氣上湧咽喉有聲六脈沉伏此真氣虛而風邪所乘以三生飲一劑加人參一兩煎服即甦若遺尿手撒口

開軒雖爲不治用前藥亦有得生者夫前飲乃行經絡治寒痰之藥有斬關奪旗之功每服必用人參兩許駕驅其邪而補助真氣否則不惟無益適足以取敗矣觀先哲用芪附參附等湯其義可見

州判蔣大用年五十形體魁偉中滿吐痰勞則頭暈所服皆清痰理氣余曰中滿者脾氣虧損也痰盛者脾氣不能運也頭暈者脾氣不能升也指麻者脾氣虛而不能周於四末也遂以補中益氣加茯苓半夏以補脾土用八味地黃以補土母而愈後藏於乾坤生意方云凡人手指麻軟三年後有中風之疾可服搜風天麻二九以預防之乃朝暮服致大便不禁飲食不進而歿夫預防之理當養氣血節飲食戒七情遠帷幕也若服前九以預防適所以招風取中也

一男子卒中口眼喎斜不能言語遇風寒四肢拘急脈浮而緊此手足陽明經虛風寒所乘故舌本強而不能言用秦艽升麻湯治之稍愈以補中益氣加山梔而痊若舌瘡不能言足痿不能行屬腎氣虛弱名曰瘳證宜用地黃飲子然此證由將息失宜腎水不足而心火暴盛痰滯於胃也輕者自甦重者或死吾師會憲高如齋自大同回謂余曰吾成風病矣兩腿逸則痿軟而無力勞則作痛如鍼刺脈洪數而有力余告之曰此肝腎陰虛火盛而致痿軟無力真病之形作痛如錐邪火之象也用壯水益腎之劑而愈先生曰向萬官邸皆以爲風恨無醫藥若服風刺豈其然哉乃吾之幸也切謂前證往往以爲風疾輒用發散而促其危者多矣

大尹劉孟春素有痰兩臂頑麻兩目流淚服祛風化

痰藥痰愈甚臂反痛不能伸手指俱舉余曰瘳屬氣虛誤服前藥肝火熾盛肝血乾涸筋無所養虛而舉耳當補脾肺滋腎水則風自息熱自退痰自清遂用六味地黃九補中益氣湯不三月而痊

一儒者素勤苦惡風寒鼻流清涕寒寒嚏噴余曰此脾肺氣虛不能實腠理不信服祛風之藥肢體痠倦痰涎自出殊類中風余曰此因風劑耗散元氣陰火乘其土位遂以補中益氣加麥門五味治之而愈外舅年六十餘素善飲兩臂作痛余曰此脾虛有濕也不信恪服祛風治痰之藥更加麻木發熱體軟痰湧腿膝拘痛口噤語澀頭目運重口角寬縱流涎兩月後身如蟲行搔起白屑始信謂余曰何也余曰臂瘳體軟脾無用也痰涎自出脾不能攝也口斜語澀脾氣傷也頭目運重脾氣不能升也痒起白屑脾氣不能營也遂用補中益氣湯加神麴半夏茯苓三十餘劑諸證悉退又用參朮煎膏治之而愈

秀才劉允功形體魁偉素不慎酒色因勞怒頭運仆地痰涎上湧手足麻痺口乾引飲六脈洪數而虛余以爲腎經虧損不能納氣歸源而頭運不能攝水歸源而爲痰陽氣虛熱而麻痺虛火上炎而作渴用補中益氣合六味九料治之而愈其後或勞役或入房其病即作用前藥隨愈

憲幕顧斐齋飲食起居失宜左半身并手足不遂汗出神昏痰涎上湧王竹西用參芪大補之劑汗止而神思漸清頗能步履後不守禁左腿自膝至足腫脹甚大重墜如石痛不能忍其痰甚多肝脾腎厥洪大而數重按則軟滿余朝用補中益氣加黃蘗知母麥

門五味煎送地黃丸晚用地黃丸料加黃蘗知母數劑諸證悉退但自弛禁不能全愈耳

一婦人元氣素虛勞則體熱發熱痰氣上攻或用烏藥順氣散祛風化痰丸之類肢體痠軟痰涎自出面色痿黃形體倦怠而脾肺二脈虛甚此虛而類風也朝用補中益氣湯夕用十全大補湯漸愈又用加味歸脾湯調理尋愈

先母七十有五遍身作痛筋骨尤甚不能屈伸口乾目赤頭運痰壅胃脘不利小便短赤夜間殊甚遍身作癢如蟲行此肝經氣燥而風動也用六味地黃丸料加山梔柴胡治之諸證悉愈

一男子時瘡愈後遍身作痛服愈風丹半身不遂痰涎上湧夜間痛甚余作風客淫氣治以地黃丸而愈一婦人四肢舉屈煩痛自汗小便短少畏見風寒脈浮弦緩此氣血虛而風寒濕熱相搏先用東垣清燥湯漸愈再用加味逍遙散及八珍湯加牡丹皮而痊

一婦人因怒發搐嘔吐痰涎口噤昏愢氣口脈大於人迎此氣滯而食厥用平胃散加茯苓半夏木香治之而甦更以六君子加木香漸愈乃去木香又二十餘劑而痊

一婦人脾胃虛弱飲食素少忽痰湧氣喘頭搖目倒手揚足擲難以候脈視其面色黃中見青此肝木乘脾土用六君加柴胡升麻治之而甦更以補中益氣加半夏調理而痊

一婦人懷抱鬱結筋骨痛喉間似有一核服烏藥順氣散等藥口眼歪斜臂難伸舉痰涎愈甚內熱瞋熱食少體倦余以爲鬱火傷脾血燥生風所致用加

味歸脾湯加丹皮山梔二十餘劑痰熱少退喉核少利更用升陽益胃湯數劑諸證漸愈但臂不能伸此肝經血少用地黃丸而愈

一婦人素有痰火忽然昏憤癱瘓抽搐善伸數欠四肢筋攣痰涎上升此肺金燥甚血液衰少而然也用清燥湯六味丸兼服尋愈

一婦人肢節作痛不能轉側惡見風寒自汗盜汗小便短少雖夏亦不去衣其脈浮緊此風寒客於太陽經用甘草附子湯一劑而瘥

一婦人善怒舌本強手臂麻余曰舌本屬土被木尅制故耳當用六君加柴胡芍藥治之

一膏梁之人素不慣起居忽失音不能語神思昏憤痰涎上壅余謂河間云夫瘡屬腎經虛寒其氣厥不至醫學綱目曰少陰氣至則嚙舌少陽氣至則嚙頰今失音腎氣不能上接清陽之氣也不信仍用風藥後嚙舌始信余言先用地黃飲子及六味地黃丸而愈

儀部袁補之患前證不信余言數服祛痰之劑後嚙舌而瘥

新閩老夫人先胃脘脹痛後四肢不收自汗如水小便自遺大便不實口緊目瞤飲食頗進十餘日或以爲中臟公甚憂余曰非也若風既中臟真氣既脫惡證既見禍在反掌焉能久延乃候其色面目俱赤而或青診其脈左三部洪數惟肝尤甚余曰胃乳脹痛肝經血虛肝氣否塞也四肢不收肝經血虛不能養筋也自汗不止肝經風熱津液妄泄也小便自遺肝經熱甚陰挺失職也大便不實肝木熾盛冠脾土也

遂用犀角散四劑諸證頓退又用加味逍遙散調理而安後因鬱怒前證復作兼發熱嘔吐飲食少思月經不止此木盛尅土而脾不能攝血也用加味歸脾湯爲主佐以逍遙散調補肝脾之氣清和肝脾之血而愈後每遇怒或睡中手足搐搦復用前藥即愈

大參朱雲漢母於九月內忽仆地瘥迷不省唇口喎斜左目緊小或用治痰調血之劑其勢稍緩至次年四月初其病復作仍進前藥勢亦漸緩至六月終病乃大作小便自遺或謂風中於臟以爲不治余診之左關弦洪而數此屬肝火血燥也遂用六味丸加五味麥門芎歸一劑而飲食頓進小便自調遂用補中益氣加茯苓山梔釣藤丹皮而安至十月復以傷食腹痛作瀉左目仍小兩關尺脈弦洪鼓指余以六君加木香吳茱萸升麻柴胡一劑而痛泄俱緩復以六君加肉果補骨脂一劑諸脈頓平痛泄俱止余謂左關弦洪由肝火血燥故左目緊小右關弦洪由肝邪乘脾故唇口歪斜腹痛作瀉二尺鼓指由元氣下陷設以目緊口喎誤作中風投以風藥以腹痛泄瀉誤作積滯投以峻劑復耗元氣爲害甚矣後臥火箱熱蒸太過遂致痰喘誤服寒涼之劑益甚後請診辭不治果瘥

一婦人因恐仆地語言蹇澀口眼喎斜四肢拘急汗出遺尿六脈洪大肝脈尤甚皆因肝火熾盛肝主小便因熱甚而自遺也用加味逍遙散加釣藤及六味丸尋愈

一婦人素性急患肝風之證常服搜風順氣丸秦芫湯之類後大怒吐血唇口牽緊小便頻數或時自遺

余以爲肝火旺而血妄行遂用小柴胡湯加山梔牡丹皮漸愈後大怒吐血誤服降火祛風化痰之劑大便頻數胃滿少食用清氣化痰之劑嘔而不食頭運口乾不時吐痰用導痰降火之類痰出如湧四肢常冷余曰嘔而不食頭運口乾胃氣不能升也痰出如湧脾氣不能攝痰也四肢逆冷脾氣不能運行也用補中益氣湯加茯苓半夏治之諸證漸愈又用加味歸脾湯兼服而安

舉人于尚之素腎虛積勞足痿不能步履後舌瘡不能言而色黧黑余謂腎氣虛寒不能運及所發用地黃飲治之而愈後不慎調攝而復作或用牛黃清心丸之類發熱痰甚誠似中風用祛風化痰之類小便秘澀口舌乾燥仍用前飲及加減八味丸漸愈又用補中益氣湯而痊

一婦人口眼歪斜四肢拘急痰涎不利而惡風寒其脈浮緊此風寒客於手足陽明二經先用省風湯二劑後用秦芫升麻湯而愈

一男子舌下牽強手大指次指不仁或大便秘結或皮膚赤暈余曰大腸之脈散舌下此大腸血虛風熱當用逍遙散加槐角秦芫治之

知州韓廷儀先患風證用疏風化痰養血之藥而痊其腿膝骨肉發熱作痛服十味固本丸天麻丸益甚兩尺脈數而無力余以爲腎水虛不能生肝木虛火內動而作非風邪所致也不信又服羌活愈風丹之類四肢痿軟偏身麻木痰涎上湧神思不清余曰皆脾氣虧損不能榮養周身又不能攝涎歸源先用六君子加木香川芎數劑壯其脾氣以攝涎歸源又以

八珍湯數劑以助五臟生化之氣以榮養周身而諸證漸愈乃朝以補中益氣湯培養脾肺夕以六味地黃丸滋補肝腎如此三月餘而安

一婦人因怒患痰厥而蘇左手臂不能伸手指麻木口喝眼斜痰氣上攻兩腿骨熱或骨中痠痛服烏藥順氣散之類諸證益甚不時昏憤更加內熱瞞熱余以為肝經血虛內熱生風前藥復耗肝血虛火熾盛而然也先以柴胡梔子散調養肝經氣血數日後用八珍湯加鉤藤鉤散諸證稍愈又用加減八味丸料少加酒炒黃藥知母黑色者數劑諸證頓退乃服八珍湯柴胡梔子散半載而痊後勞役即有復作之意服柴胡梔子散遂安

一老婦兩臂不遂語言蹇澀服祛風之藥反致筋攣骨痛余謂此肝火血虛所致用八珍湯補氣血用地黃丸補腎水佐以排風湯年餘而愈

太宜八年七十五遍身作痛筋骨尤甚不能伸屈口乾目赤頭眩痰湧胃脘不利小便赤澀而短少夜間痰熱殊甚偏身作癢如蟲行此肝經氣燥而風動也用六味地黃丸料加山梔柴胡治之而愈

寓意草曰楊季衡翁稟豐體望七之齡神采不衰近得半身不遂之證已二年矣病發左半口往右喝昏厥遺溺初服參木頗當為點醫實以左半屬血不宜補氣之說幾致大壞雲間施登澤以參附療之稍得向安然藥從溫補未盡病情也診得脈體軟滑中特帶勁疾蓋痰與風維合之證痰為主風為標也又熱與寒維合之證熱為主寒為標也平時手冷如冰故痰動易至於厥然厥已復甦甦已嘔去其痰眠食

自若雖冬月亦能耐寒無取重裊複絮可知寒為外顯之假寒而熱為內蘊之真熱既有內蘊之熱自蒸脾濕為痰久久隔塞竅隧而衝氣不週外風易入加以房帷不節精氣內虛與風相召是以維合而成是證耳及今大運右半脾胃之氣以運出左半之濕痰虛風此其間有細微曲折非只溫補一端所能盡者何也治維合之病必須用維合之藥而隨時令以盡無窮之變即如冬月嚴寒用事身內之熱為外寒所束不得從皮膚外泄勢必深入筋骨為害矣故用薑附暫微外寒而內熱反得宣洩若時令之熱與內蘊之熱相合復助以薑附三熱交煽有灼筋腐肉而已孰謂用藥之權衡可以一端盡耶或者曰左半風發而察脈辨證指為兼痰兼熱似矣痰者脾濕所生寄居右畔是則先宜中右而何以反中左耶既已中左明係左半受病而何以反治右耶不知此正病機之最要者但為丹溪等方書說病在左血多病在右氣多教人如此認證因而起後人之執著至內經則無此說也內經但言左右者陰陽之道路夫左右既為陰陽往還之道路何嘗可偏執哉况左半雖血為主非氣以統之則不流右半雖氣為主非血以麗之則易散故肝膽居左其氣常行於右脾胃居右其氣常行於左往來灌注是以生生不息也肝木主風脾濕為痰風與痰之中人原不分於左右但翁恃其體之健過損精血是以八天癸已盡之後左半先虧而右半飲食所生之痰與皮毛所入之風以漸漬於空虛之府而驟發始覺耳風脈勁疾痰脈軟滑惟勁疾故病則大筋短縮即舌筋亦短而蹇於言小筋弛張

故從左而喝於右從左喝右即可知左畔之小筋弛而不張也若左筋之張則左喝矣凡治一偏之病法宜從陰引陽從陽引陰從左引右從右引左蓋觀樹木之偏枯者將溉其枯者乎抑溉其未枯者使榮茂而因以條暢其枯者乎治法以參木為君臣以附子乾薑為佐使寒日可恃無恐以參木為君臣以羚羊角柴胡知母石膏為佐使而春夏秋三時可無熱病之累然宜刺手足四末以泄榮血而通氣恐熱痰虛風久而成痼也

庚辰冬於鼎翁公祖園中識江冲寰先生面竊見身體重著行步艱難面色滯晦語言遲緩以為有虛風卒中候也因為過慮辛巳秋召診問細察脈脾緩急不調肺脈勁大然肝木尚平陽氣尚旺是八風之邪未可易中而筋脈掣痛不能安寢者大率風而加之以濕交煽其虐所致以斯知尚可引年而施治也何也風者肝之病天之氣也濕者脾之病地之氣也天氣迅疾故發之暴益以地氣之紆緩反有所牽制而不能暴矣然氣別則病殊而氣交則病合有不可不明辨者病殊者在天氣則風為百病之長其來微則隨相尅為傳次必逼五臟而始烈其來甚則不繇傳次而直中唯體虛之人患始不測焉在地氣則濕為下體之患其來微則足跗腫大然得所勝亦旋消其來甚則害及皮肉筋脈以漸而上攻亦惟陽虛之人勢始騰越焉兩者一本之天一本地病各懸殊治亦異法者也病合者天之氣入於筋脈地之氣亦入於筋脈時乎天氣勝則筋脈張而勁焉時乎地氣勝則筋脈弛而緩焉兩者其源雖異其流則同交相